

B O S N A I H E R C E G O V I N A  
FEDERACIJA BOSNE I HERCEGOVINE  
U N S K O - S A N S K I K A N T O N  
**OPĆINA BOSANSKA KRUPA**  
**OPĆINSKI NAČELNIK**

Broj:07-14-5134/18  
Bosanska Krupa, 23.08.2018.godine

Na osnovu članova 64. stav (1) tačka b) i 70. stav (1) (3) i (6) i člana 88. Zakona o javnim nabavkama („Službeni glasnik BiH“, broj: 39/14), u konkurentskom postupku nabavke usluga- Izrada projektne dokumentacije za višestambeni objekt prema projektu BiH 6, općina Bos. Krupa, na prijedlog Komisije za provođenje postupka javne nabavke, Općinski načelnik, donosi:

**ODLUKA**  
**o izboru najpovoljnijeg ponuđača**

1. Prihvata se ponuda ponuđača **D.o.o. „EDI ING“ Donji Vakuf**, za nabavku usluga izrade projektne dokumentacije za višestambeni objekt prema projektu BiH6, općina Bos. Krupa, sa cijenom u ukupnom iznosu od **9.945,00 KM sa uračunatim PDV-om**.
2. Po konačnosti ove odluke sa izabranim ponuđačem potpisat će se ugovor o nabavci usluga izrade projektne dokumentacije za višestambeni objekt prema projektu BiH 6, općina Bos. Krupa.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 07-14-5134/18 od 18.07.2018. godine. Javna nabavka je provedena putem konkurentskog postupka –nabavka usluga izrade projektne dokumentacije za višestambeni objekt prema projektu BiH 6, općina Bos. Krupa. Obavještenje o nabavci broj: 1272-7-2-77-3-78/18 i tenderska dokumentacija je objavljena na portalu javnih nabavki dana 18.07.2018 godine. Poziv za preuzimanje tenderske dokumentacije upućena na tri adrese. Po objavljenom obavještenju rok za prijem ponuda je bio 30.07.2018. godine do 12,00 sati. Prema izvještaju o preuzimanje tenderske dokumentacije od strane ponuđača istu preuzelo 28 ponuđača.

Do označenog roka za prijem ponuda na protokol Ugovornog organa su blagovremeno pristigle tri ponude, a što je vidljivo iz tabelarnog pregleda dostavljenog od strane službenice koja radi na protokolu ugovornog organa i to:

1. D.o.o. „ZIB- PROJEKT “ Brčko distrikt BiH, broj protokola: 07-14-5134-2/18, 26.07.2018. godine u 8:40 h
2. D.o.o. „EDI ING“ Donji Vakuf, broj protokola: 07-14-5134-3/18, 26.07.2018. godine u 12:05 h
3. D.o.o. „INSTITUT ZA ZAŠTITU, EKOLOGIJU I OBRAZOVANJE“ Tuzla, broj protokola: 07-14-5134-4/18, 27.07.2018. godine u 11:54 h

Komisija za provođenje postupka javne nabavke je u skladu sa tenderskom dokumentacijom dana 30.07.2018. godine u 12,15 sati izvršila javno otvaranje pristigle ponude:

**1. Ponuđač D.o.o. „ZIB- PROJEKT “ Brčko distrikt BiH, ponudio:**  
Cijena ponude **9.000,00 KM bez PDV**, PDV 1.530,00 KM, ukupna cijena: **10.530,00 KM sa PDV-om**.

**2. Ponuđač D.o.o. „EDI ING“ Donji Vakuf, ponudio:**  
Cijena ponude **8.500,00 KM bez PDV**, PDV 1.445,00 KM, ukupna cijena: **9.945,00 KM sa PDV-om**.

**3. Ponuđač „INSTITUT ZA ZAŠTITU, EKOLOGIJU I OBRAZOVANJE“ doo Tuzla, ponudio:**

Cijena ponude **10.200,00 KM bez PDV**, PDV 1.734,00 KM, ukupna cijena: **11.934,00 KM sa PDV- om**.

Komisija je izvršila evaluaciju dostavljenih ponuda i dokumentacije dostavljene uz ponudu te je konstatovala da ponuđač doo „ZIB- PROJEKT “ Brčko distrikt BiH, nije dostavio : Uvjerenje nadležne institucije kojim se potvrđuje da je ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje, uvjerenje nadležne institucije da je ponuđač izmirio dospjele obaveze u vezi s plaćanjem direktnih i indirektnih poreza i predviđeni vremenski plan aktivnosti sa naznačenim isporukama prema projektnom zadatku, pa je Komisija predložila ugovornom organu da se ponuda ponuđača doo „ZIB- PROJEKT “ Brčko distrikt BiH odbaci kao nepotpuna.

Ponude ponuđača D.o.o. „EDI ING“ Donji Vakuf i „INSTITUT ZA ZAŠTITU, EKOLOGIJU I OBRAZOVANJE“ doo Tuzla su ispravne, potpune u formalno-pravnom smislu i računski tačne. (ponuđači su dostavili svu dokumentaciju traženu tenderskim dokumentom).

S obzirom da je kriterij za dodjelu Ugovora „najniža cijena tehnički zadovoljavajuće ponude“ to Komisija za javne nabavke predložila Ugovornom organu da donese Odluku o izboru najpovoljnijeg ponuđača ponuđača D.o.o. „EDI ING“ Donji Vakuf i zaključi Ugovor.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponude, u skladu sa kriterijumima iz Tenderske dokumentacije.

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog: „najniže cijene“.

Uvažavajući prijedog Komisije, ugovorni organ je donio odluku kao u dispozitivu.

#### **Pouka o pravnom lijeku**

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje Ugovornom organu u pisanoj formi direktno ili putem pošte u dovoljnom broju primjeraka, a koji ne može biti manje od tri.

Obrađivač:

Selma Bužimkić, dipl. pravnik

**OPĆINSKI NAČELNIK**

Dostavljeno:

Armin Halitović, dipl. ecc

1. D.o.o. „EDI ING“ Donji Vakuf
2. Doo „INSTITUT ZA ZAŠTITU, EKOLOGIJU I OBRAZOVANJE“ Tuzla
3. doo „ZIB PROJEKT “ Brčko distrikt BiH
4. U spis
5. a/a